



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0023651 23
Sarajevo, 01.08.2023. godine

SUD BOSNE I HERCEGOVINE
Sudiji za prethodno saslušanje
SARAJEVO

Na osnovu člana 35. stav 1. i 2. tačke. i) te člana 226. i 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

MITJE KONTIČA, [REDACTED], rođenog [REDACTED] 1988. godine u Sloven Gradecu, R Slovenija, [REDACTED] državljanina Republike Slovenije, [REDACTED]

ALEKSANDARA NIKOLIĆA, zvanog „Saša“, [REDACTED] rođenog [REDACTED] 1991. godine u Sarajevu, [REDACTED]

[REDACTED] državljanin BiH, [REDACTED]

BORISA GRUJIĆA, [REDACTED] rođenog [REDACTED] 1981. godine u Banja Luci [REDACTED]

[REDACTED] državljanina BiH i Republike
Srbije, [REDACTED]

SLAVENA RADINKOVIĆA [REDACTED] rođenog
1997. godine u Banja Luci, [REDACTED]
[REDACTED] državljanina BiH, [REDACTED]

JOVANA ŠUMANA [REDACTED] rođenog [REDACTED] 1997.
godine u Banja Luci, [REDACTED]

[REDACTED] državljanina BiH, [REDACTED]

IGORA ZARIĆA [REDACTED] rođenog [REDACTED] 1996.
godine u Banja Luci, [REDACTED]

[REDACTED] državljanina BiH i R
Srbije, [REDACTED]

DAMJANA TEPIĆA [REDACTED] rođenog [REDACTED] 1993.
godine u Banja Luci, [REDACTED]

[REDACTED] državljanina BiH, [REDACTED]

Zbog postojanja osnovane sumnje da su:

U vremenskom periodu od avgusta mjeseca 2022. godine pa do mjeseca aprila 2023. godine, na području Bosne i Hercegovine sa područja Republike Slovenije, iako su znali da se radi o opojnim drogama, kao i da nemaju dozvolu nadležnog organa za nabavku, držanje i promet opojnih droga, radi sticanja protivpravne imovinske koristi, [REDACTED], kao i druga njima poznata lica na području Republike Slovenije organizovali grupu za organizovani kriminal, u smislu člana 1. stav 22. KZ BiH, radi neovlaštenog

međunarodnog prenosa, držanja-skladištenja, te radi prodaje opojnih droga u Bosni i Hercegovini, i to opojne droge: „Kokain“ koja je Konvencijom o psihotropnim supstancama od 1971. godine i Listom opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“, broj: 8/06) proglašena opojnom drogom i čija je proizvodnja i promet zabranjen u skladu sa odredbama Zakona o proizvodnji i prometu opojnih droga („Službeni list RBiH“, broj: 2/92 i 13/94) i Zakona o spriječavanju i suzbijanju zloupotrebe opojnih droga („Službeni glasnik BiH“, broj: 8/06), a čiji su pripadnici postali: Kontič Mitja, Boris Grujić, Nikolić Aleksandar, Radinković Slaven, Šuman Jovan, Zarić Igor i Damjan Tepić, te njima druga poznata lica, a organizatori istim davali upute neposredno ili putem mobilnih telefona o mjestu, vremenu i načinu nabavljanja, prevoza i prodaje opojne droge, na što su isti pristali, pa je svako od njih i to: Kontič Mitja, Boris Grujić, Nikolić Aleksandar, Radinković Slaven, Šuman Jovan, Zarić Igor i Tepić Damjan imao tačno određene uloge i zadatke, u nabavci, prevozu, nuđenju na prodaju i prodaji opojne droge na području Bosne i Hercegovine, a koja je prethodno nabavljena na području Republike Slovenije, i tako u više navrata nabavili opojnu drogu u većim količinama, radi dalje prodaje u Bosni i Hercegovini, i to opojne droge „Kokain“ na način da su:

1. U mjesecu februaru 2023. godine, po uputama [REDAKTIRANO] [REDAKTIRANO] Mitja Kontič neovlašteno od istih preuzeo i prevezao opojnu drogu „Kokain“ sa područja Republike Slovenije na područje BiH sa svojim vozilom marke „Audi“, slovenskih registarskih oznaka [REDAKTIRANO] nakon što je za potrebe nelegalnog prevoza opojne droge u navedeno vozilo ugradio tajni spremnik u koji je sakrio opojnu drogu „Kokain“, bruto mase oko jedan (1) kilogram vrijednosti 34.000,00 Eura, da bi potom po uputama organizatora, Šuman Jovan zajedno sa Slavenom Radinkovićem preuzeo opojnu drogu „Kokain“ od Mitje Kontiča na području Banja Luke, i istu sakrio u vozilo Radinkovića marke „Golf“, registarskih oznaka [REDAKTIRANO], da bi potom Jovan Šuman i Slaven Radinković dana **19.02.2023.** godine, u jutarnjim satima, po uputama [REDAKTIRANO] dovezli sa putničkim automobilom marke „Golf“, registarskih oznaka [REDAKTIRANO] opojnu drogu „Kokain“ ukupne bruto mase oko jedan kilogram (1 kg) u grad Banja Luku, [REDAKTIRANO], u stan koji je ranije na zahtjev [REDAKTIRANO] [REDAKTIRANO] iznajmio Tepić Damjan kao stan na dan, u cilju prodaje navedene opojne droge u iznajmljenom stanu i to kupcima koje pronade Boris Grujić, gdje su po uputama [REDAKTIRANO], a sve u dogovoru sa Borisom Grujićem koji je pronašao Igora Zarića odnosno kupce za opojnu drogu, pa su se tako dana 19.02.2023. godine, Jovan Šuman i Slaven Radinković sastali sa Igorom Zarićem koji je donio novac za kupovinu opojne droge, i došao do stana koji je iznajmio Tepić Damjan radi prodaje opojne droge „Kokain“, sa ciljem sticanja protivpravne imovinske koristi u neutvrđenom iznosu, gdje su svi lišeni slobode od strane Ministarstva unutrašnjih poslova Republike Srpske, dok su kod istih pronađeni novac i opojna droga „Kokain“.

2. Tokom mjeseca februara i marta 2023. godine, nakon što je Nikolić Aleksandar pristao da postane član grupe za neovlašteni promet opojnim drogama koju je organiziralo [REDAKTORANO] lice sa područja Ljubljane, Republika Slovenija, pristao da od istog lica neovlašteno preuzme i proda dva kilograma (2 kg) opojne droge „Kokain“ na području BiH, nakon čega je [REDAKTORANO] lice sa područja Ljubljane angažovalo Mitju Kontiča također pripadnika grupe, u svrhu ilegalnog prevoza opojne droge „Kokain“ sa područja Republike Slovenije na područje BiH, a koji je nakon što je prethodno u svoje vozilo marke „Audi“, slovenskih registarskih oznaka [REDAKTORANO] ugradio tajni spremnik, u isti sakrio opojnu drogu „Kokain“, pa je tako dana **14.03.2023. godine** ilegalno prevezao dva kilograma (2 kg) opojne droge „Kokain“ iz Republike Slovenije na područje Bosne i Hercegovine, da bi je istog dana predao Nikolić Aleksandru, na području Istočnog Sarajeva, na parking prostoru restorana [REDAKTORANO], a od istog preuzeo novac u vrijednosti od 18.000 Eura na ime dijela opojne droge.

Dakle,

Osumnjičeni Kontič Mitja, Nikolić Aleksandar, Boris Grujić, Radinković Slaven, Šuman Jovan, Igor Zarić i Damjan Tepić, postali pripadnici grupe za organizovani kriminal i neovlašteno vršili nabavku, međunarodni prijenos, skrivanje, isporučivanje, prodaju, i na drugi način stavljali u promet supstance koje su propisima proglašene opojnim drogama,

Čime bi,

počinili krivično djelo Organizovani kriminal iz člana 250. stav 2. u vezi sa krivičnim djelom Neovlašteni promet opojnim drogama iz člana 195. stav 1. Krivičnog Zakona Bosne i Hercegovine.

TUŽILAŠTVO BOSNE I HERCEGOVINE
TUŽILAC